



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XI. Die Octobris.

**urn:nbn:de:hbz:466:1-9625**

Immaculatai nō grauiore noxâ semper vixisse.

P. THEODORVS  
MANTELS.

Belga Malac. 2. inccerto mense. 1593. ætat. 33. Soc. 15.

Fides.

10. Octob.

IN Iaponia sancto labore per annos aliquot impenso rei Christianæ cōmodi permultum attulit: atque idcirco barbaris odio cūm esset, venenum ab iis propinatum ignarus hausit; & post biennij cruciatus, toxico pharmaca omnia superante, tandem enectus est.

P. Xystum Tocuum aliqui hoc die casum aiunt. Nos de illo 9. Octobris egimus.

P. GARCIA S  
DE ALARCON.]

Hispanus Ouidi. 1591. ætat. 63. Soc. 43.

ILLustris & lautæ, tam paternæ, quàm maternæ stirpis hæres, minori natu fratri ac forori suæ (tum & ipse paruulus) autor erat, vt Christi pa-

tientis amore in mensa id quod palato magis arrideret dimitterent, signo quoque ad id præstituto, quod dabat ipse vt eo moniti meminissent. Iam 18. annos natus Patri extincto successerat, & fortunis suis præerat, cūm viso B. Borgia, eius decora imitari ei venit in mentem, & Societatem ab eo impetravit. In Societate magister Nouitiorum, Rector, Prouincialis, Visitator, & Assistent, incredibili animæ suæ ac officij curâ in omnibus versatus est. Per plures annos vesperi ne bolum quidem admittebat; & sub noctis medium surgebat ad preces: post quas vnâ iterum horâ quiescebat & surgebat cum cæteris ad orandum. Patribus, quos ad mortualem suum lectulum videbant mœrore affectos; non est, inquit, quod vobis mors mea dolori sit. Nunc enim plus habeo solatiij quàm vnquam habuerim. Vallisoleti cuidam eius mortem dolenti adfuit vt fama est, adspectabilis, ei que solatiij plurimum attulit, cūm dixit, se iam in æterna gloria degere cum bono Deo.

Mortific.

Exemplum

Mortific.

Oratio.

Nocturn.

Mors.

Post mortem.

XI. DIE OCTOBRIS.

P. NICOLAVS  
PASQUALIS.

11. Octobris Hispanus in insula Indica. 1555.

Huius tantum cognomen prodit Aragoniæ Prouincia. Singularis in illo dexteritas elucebat in educandis orphanis; ibatque cum P. Andrea Gonzalez, & Alphonso Lopez Vlyssiponâ in Æthiopiam vt seminaria conderet ac gubernaret, cūm nauis in arena hæsit. Qui poterant, eas quas secum in maiore naui gestabant nauiculas conscendere, & Patres magnopere rogauere vt vnâ inde abirent, se-

que morti eriperent. At Pasqualis, & Socij cūm in deserta illa insula tot viderent relinqui; ne tot miserabiles omni spiritali præsidio in tantis famis ærumnis destituti morerentur, maluere cum vitæ iacturâ cum perituris persistere, quàm inuitantium humanitate vti, ac euadere. Ita perstitere ad nauandam sacram operam iis consolandis quos in deserto illo loco ærumnosa mors expectabat, vt ne sine Sacramentis decederent. Et verò, cūm in expectatione illa nulla vitæ sustentandæ adiumenta venirent, tadebant alij post alios fame enecti; vsque dum

Charit.

Et c

& ipsi



& ipsi alimentorum inopiã sensim cum aliis elanguere, & charitati deuotas nobiles animas pro fratribus posuere, in Dei gloria cum apparuerit, vt spes est, satiandi, inter heroes sui tam prodigæ charitatis.

## P. IOANNES

NICOLAUS PEDELONGVS.

Italus Neapolit. 11. Oct. 1579. ætat. Soc.

**H**uius nobiles origines à Palæologis reperunt nonnulli. Tria in illo notauit præcipua. Quod cum Iuris prudentissimus esset, videretque innocentem quempiam contra ius, & fas

damnari ad mortem, crudeli seculo nuncium remiserit, & facultates suas in egenos distribuerit Societatem amplexus. Deinde quod in Societate normæ domesticæ se enixè accommodarit; modestiã, & singulari cum Deo coniunctione præstans; ad confessiones autem audiendas tam promptus, atque perpetuus vt antonomastico e-logio passim loco nominis *Pater Confessarius* vocaretur. Denique quod & suum, & alterius cuiusdam de Societate è vita discessum particulatim, & ex verò prædixerit, magnã patientiæ laude, supremo, & longo in morbo clarus.

Uscatio.

Confessari.

Mortu.

## XII. DIE OCTOBRIS.

## MARCVS ANT.

RIDOLPHINVS.

12. Octobr. Italus Romæ. 1597. ætat. 22. Soc. 4.

**E**xpectationis magnæ iuuenis, nec minoris ad virtutem ardoris fuit Ridolphinus Logica tunc operam nauans. Huius mortem breui secuturam dixit moriens eius condiscipulus *Celsus Finettus* vt mense superiore meminimus; quem etiam à Deipara Virgine intellexisse aiunt, Ridolphinum in Purgatorio pœnas daturum biennio. Ante initam Societatem, imminente festo SS. Petri, & Pauli, suasu amici, tandem se propelli permisit, vt Sanctorum Apostolorum honori quotannis Romæ fieri consuetum turbinem igneum seu Arborem festis pyrobolis velut in ramos distributis nobile oculis spectaculum, dum illos ei culatur, exhibentem ne spectaret, atque hac oculorum voluptate procul habitã sanctos illos Apostolos honoraret. Iam stabat arbor in S. Angeli Castello erecta, & porrecta in ramos,

cum Ridolphinus cæteris ante hac ad similia spectanda longè propensior, illis ad solarium certatim currentibus, ipse in conclaui sese attinuit. Sed amicis perurgentibus, tandem, & ipse ad solarium vnde sub dio torum illud pyrotechnicum artificium egregiè spectari poterat, ascendit: verum (vt ipse postea id fallus est) quantumvis non sine vi maximã sese contineret, oculos ad flammeam illam arborem nunquam extulit, illis pertinaci sui victoriã semper clausis, etiam cum pyrobolorum ex arbore prorumpentium sibilos, fragorem pulueris pyrii, sociorumque plausum audiret, omnibus heroica huius in Ridolphino victoriæ planè inconscijs. Nec impar his postea in eodem Societati adscripto vitus respondit.

Oculi.

Sui victoria.

Purgator. B.V.

Mortific.

P. LV.